

**JP «HORIZONTALA-ŽIVINICE»d.o.o.za**  
Pružanje usluga i promet roba exsport-import  
**ŽIVINICE**  
Naš broj:01/1-516/17.  
Živinice, 02.03.2017.god.

# **Izvještaj o radu i finansijskom poslovanju**

**JP«Horizontala-Živinice» d.o.o. Živinice za 2016.godinu**

## Uvod

Javno Preduzeće «Horizontala-Živinice» d.o.o.Živinice, u 100%-noj je svojini Općine Živinice.

Do oblika u kojem danas posluje, preduzeće je prošlo niz transformacija sve do 2005.godine, kada je organizovano u današnjem obliku i kada je Odlukama Općinskog vijeća Živinice, preduzeće dobilo u nadležnost i niz drugih djelatnosti, tako da danas obavlja vrlo značajne komunalne djelatnosti, odnosno, upravlja sljedećim komunalnim općinskim resursima:

- gradsko centralno grijanje,
- javne površine,
- javni parkinzi,
- gradsko groblje,
- sedmična pijaca Ciljuge,
- zajedničko održavanje i upravljanje stambeno-poslovnim objektima,
- vrši asistencije, po ugovoru i na zahtjev općine, za uklanjanje bespravnih objekata i dr.

O većini ovih djelatnosti, kao što su upravljanje Javnim površinama, gradskim grobljem, sedmičnom pijacom “Ciljuge”, javnim parkinzima, do povjeravanja ovom preduzeću, nije bilo ili je briga o ovim resursima bila beznačajna i sa vrlo malim prihodima od navedenih djelatnosti.

Kontinuiranim praćenjem rada preduzeća, kroz godišnje podnešene planove i izvještaje o radu Općinskom Vijeću Živinice, može se primjetiti odgovoran odnos i stalan napredak u upravljanju u svim povjerenim nam djelatnostima sa znatnim porastom prihoda iz godine u godinu.

Neke od povjerenih nam djelatnosti, možemo slobodno kazati, sada, poslije vrlo kratkog i planskog rada, iz godine u godinu, izgledaju sve perspektivnije za naredni period i sa mogućnosti ostvarivanja sve većeg prihoda.

U prethodnom periodu, uporedo sa razvojem povjerenih nam djelatnosti, razvijalo se i samo preduzeće, iako vrlo teško, sa nizom dugovanja i obaveza iz ranijeg perioda, koje su uveliko kočile daljnji normalan razvoj svih djelatnosti i preduzeća u cjelini.

Kako je najveću prepreku u razvoju preduzeće imalo u velikim obavezama iz ranijeg perioda,(neisplaćene plate radnicima, dugovanja prema

poreskoj upravi, dugovanja prema dobavljačima i sl.), a skladu sa usvojenim planom i programom rada za 2016.godinu, najveća aktivnost se vodila, pored redovnih obaveza, upravo na oslobađanju od obaveza iz ranijeg perioda, kako bi preduzeće dalje moglo normalno da funkcioniše, neopterećeno hipotekama i obavezama iz ranijeg perioda.

Jedan od načina, a planom i programom rada za 2016. godinu, uz saglasnost Općinskog Vijeća Živinice i Načelnika Općine Živinice, za oslobađanje od zaostalih obaveza je kreditno zaduženje kod komercijalne banke, a što je i učinjeno u predhodnoj godini.

Na taj način izmirene su obaveze prema Poreskoj upravi, sa otpisom svih kamata, čime su skinute hipoteke sa sve naše imovine, a isplatom zaostalih plata radnicima je omogućeno da imaju puno bolji ugled i status kod zdravstvenih, penzionih, bankovnih i drugih institucija.

Iz redovnih prihoda pokušavamo da riješimo sve obaveze, iz ranijeg perioda, prema dobavljačima, kako bi riješili sve obaveze iz ranijeg perioda, osim kreditnog zaduženja.

Važno je napomenuti da je preduzeće u 2016.godini uspjelo konačno otplatiti sve obaveze prema dobavljaču za automatsku opremu(parkomate) na javnim parkinzima.

Takođe, pored svih teškoća, a usklađivanjem sa potrebama razvoja i osavremenivanja pojedinih djelatnosti, preduzeće je našlo prostora da obezbijedi uslove za investiranje, svake godine, pa i prethodne, pored redovnog održavanja, u sve djelatnosti sa određenim iznosom sredstava, kako bi one mogle normalno i perspektivno da funkcionišu.

U cilju boljeg djelovanja i praćenja savremenih tokova, iskazana je potreba i većeg investiranja u pojedine djelatnosti, koju je teško realizovati zbog opterećenja obavezama iz prethodnog perioda, koje po pristizanju uglavnom smo morali, uz veliku kamatu, odmah plaćati.

Naša potraživanja, posebno od velikih korisnika, dio su dugoročnog i planskog rada i moraju proći žalbeni i tužbeni dio na više nivoa, te nisu odmah operativna, odnosno, ne možemo da ih naplatimo duži period, zbog čega ne možemo da obezbjedimo uslove za veća ulaganja u sve djelatnosti.

Međutim, iz godine u godine, a posebno u prethodnoj godini, iako je to plod dugogodišnjeg planskog rada, ipak smo postigli potpunu finansijsku stabilnost preduzeća, poboljšanje rada i povećanje prihoda u svim nam povjerenim djelatnostima, pa su primjetna i sve veća ulaganja u djelatnostima koje sami možemo da stalnim ulaganjima periodično dižemo na viši nivo.

Sve gore navedene djelatnosti, kojima upravljamo, od opšt društvenog interesa su i zahtijevaju angažman šire društvene

zajednice i pomoć, prije svega, općinskih struktura u narednom periodu za njihov daljnji razvoj i osavremenjivanje.

Javno Preduzeće «Horizontala-Živinice» d.o.o.Živinice, nađe načina da, prema svojim skromnim mogućnostima u poređenju sa stvarnim potrebama, svake godine pa i 2016.godine, investira u sve djelatnosti u smislu redovnog održavanja i daljnjeg razvoja i postepeno stanje u svim djelatnostima dovodi na zavidan nivo.

Za sve djelatnost, a posebno za djelatnosti kao što su gradsko centralno grijanje i javne površine, potreban veći angažman, prije svega općine Živinice, jer zajednički nam je sada interes adekvatnog upravljanja općinskom imovinom i perspektiva velikog povećanja prihoda namijenjenog u konačnici upravo, punjenju Općinskog budžeta, a kako smo na početku i naveli, Javno Preduzeće «Horizontala-Živinice» d.o.o. Živinice, u 100%-noj je svojini Općine Živinice.

U 2016.godini, opterećeni teškom situacijom i obavezama iz ranijeg perioda, Javno Preduzeće «Horizontala-Živinice» d.o.o.Živinice uspjelo je zadržati potpunu radnu i finansijsku stabilnost, ispunjavati sve redovne obaveze, po prioritetu u skladu sa prilivom sredstava rješavati obaveze iz ranijeg perioda, a u cilju kontinuiteta razvoja i osvremenjivanja našli smo prostora, kako za otplatu dijela obaveza za ranija investiranja, tako i za pokretanje aktivnosti oko novih investicija, onoliko koliko nam mogućnosti dozvoljavaju i tamo gdje je to najpotrebnije.

Izveštaj o radu i finansijskom poslovanju Javnog Preduzeća «Horizontala-Živinice» d.o.o.Živinice za 2016.godinu, prikazati ćemo u prvom dijelu kroz stanje i aktivnosti po djelatnostima, drugi dio izveštaja se odnosi na finansijske pokazatelje i na kraju, zapažanja i zaključci.

**Gradsko centralno grijanje**, je dugo vremena bilo osnovna djelatnost i glavni izvor prihoda preduzeća.

U ranijim izvještajima upoznati smo da je iz tehničko-tehnoloških i ekoloških razloga, a usljed dotrajalosti i nedozvoljene i prekomjerne emisije štetnih materija u životnu sredinu, prestao da radi veliki dio u gradu instalisanih postrojenja za proizvodnju toplotne energije.

U 2016.godine gradsko centralno grijanje radilo je sa dva odvojena kotlovska postrojenja, "Kotlana S-1" u dijelu grada oko hotela "Konjuh" i "Kotlana Šumarstvo" u dijelu grada oko upravne zgrade JP«Horizontala-Živinice» d.o.o.Živinice, koje zajedno predstavlja ukupan instalisani kapacitet kotlovskih postrojenja kojim je naše preduzeće upravljalo u prethodnoj godini.

Ukupni instalisani kapacitet je 1.400,00KW, a od čega je u "Kotlani S-1"1.200,00KW i u "Kotlani Šumarstvo" 200,00KW.

Dio dotrajalog postrojenja u "Kotlani Šumarstvo" snage 100,00KW zamijenjen je novim postrojenjem, prije početka sezone grijanja.

Ukupno instalisani kapacitet, posebno u "Kotlani S-1", nije u potpunosti iskorišten zbog nedostatka toplovodne mreže u pojedinim dijelovima grada.

Kotlovsko postrojenje u "Kotlani S-1" snabdijeva toplotnom energijom oko 950,00m<sup>2</sup> poslovnog i oko 4.900,00m<sup>2</sup> stambenog prostora, dok u "Kotlani Šumarstvo" snabdijeva se oko 900,00m<sup>2</sup> poslovnog i oko 200,00m<sup>2</sup> stambenog prostora.

Na obavljanju poslova iz ove djelatnosti stalno su zaposlena tri radnika, a sezonski, na period od šest mjeseci angažuju se još četiri radnika.

Postojeća kotlovska postrojenja su redovno remontovana u prekidu grejne sezone i spremljena za narednu sezonu grijanja za snabdijevanje korisnika toplotnom energijom neposredno uz same lokacije postojećih kotlana, a sve do konačnu toplifikacije grada, na jedan od predloženih načina, a oko čega su pokrenuti radovi na izgradnji nove gradske toplovodne mreže od strane općine Živinice.

JP«Horizontala-Živinice» d.o.o.Živinice prati aktivnosti općine Živinice oko izgradnje toplovodne mreže u spremna je kadrovski uskladiti svoj plan rada sa planom rada i aktivnostima općine Živinice koji ide ka konačnoj toplifikaciji općine.

Do tada ostaje da postrojenja za proizvodnju toplotne enrgije rade sa postojećim režimom i kapacitetom.

**Javne površine** su jedna od perspektivnijih djelatnosti povjerena ovom preduzeću Odlukom o povjeravanju javnih ovlaštenja od strane Općinskog vijeća Živinice.

Prilikom povjeravanja javnih površina ovom preduzeću 2005.godine, prihodi od zauzimanja javnih površina su bili gotovo zanemarljivi, a sada su u stalnom porastu, tako da bi daljnjim razvojem u narednom periodu, mogli u značajnoj mjeri da utječu na porast prihoda preduzeća.

Naknada od privremenog zauzimanja javnih površina, radi obavljanja raznih djelatnosti u dosadašnjem periodu, a posebno u 2016.godini, predstavljala je najznačajne prihode ovom preduzeću.

U skladu sa Odlukom o komunalnom redu i Programom o zauzimanju javnih površina, te Odlukom o privremenom korištenju javnih površina na području općine Živinice, u saradnji sa nadležnom općinskom službom, a s obzirom da sredstva prikupljenih na ovaj način idu direktno na podračun budžeta Općine Živinice, i u 2016. godini ostvaren je porast, koji prati stalan trend porasta, prihoda od ove djelatnosti.

U 2016.godini na privremeno korištenje javnih površina, u skladu sa programom o zauzimanju javnih površina, odobreno je korištenje javnih površina po svim vrijednosnim zonama i za namjenu:

- Ugostiteljsko –trgovinska djelatnost oko 60,0 korisnika je zauzimalo približno 2.800,00m<sup>2</sup> javne površine
- Za postavljanje kioska odobreno je, 32,0 lokacija na oko 230,00m<sup>2</sup> javne površine
- Za postavljanje kablova kablovskih interneta i tv operatera (4,0 operatera) oko 65.000,00 metara dužnih
- Zauzimanje javnih površina od strane telefonskih i elektro operatera
- Za postavljanje garaža odobreno je oko 168,0 lokacija na oko 2.500,00m<sup>2</sup> javne površine i dr.

Evidentirane su gotove sve poznate privremeno zauzete Javne površine, za koja su izdata odgovarajuća Rješenja o odobrenju korištenja ili utvrđivanju naknade za korištenje istih i uz pomoć nadležne općinske inspekcije postizemo sve veći stupanj realizacije i naplativosti za privremeno zauzimanje i korištenje javnih površina, a u spornim slučajevima već odlučuju nadležni pravosudni organi.

Posebno veliki trud, napor i napredak, kao ranije, u 2016.godini uloženi su da se konačno ustroji evidencija podzemnih i nadzemnih elektro, telekomunikacijskih i drugih vodova preko Javnih površina, kako bi se utvrdila i naplatila naknada za korištenje Javnih površina u ovu svrhu od strane Elektroprivrede, BH Telecoma i drugih telekomunikacijskih preduzeća, a sve prema važećim propisima iz ove oblasti, a rezultati

intenzivnog rada u ovoj oblasti vidljivi su u stalnom porastu prihoda od korisnika javnih površina po ovom osnovu, a u narednom periodu očekujemo sve bolje rezultate.

**Javni parking prostori** u gradskoj zoni takođe su povjerena ovom preduzeću.

U prethodnom periodu izvršena je nabavka automatske opreme na javnim parkinzima, a ugovorom predviđena dugoročna otplata, u 2016.godini izvršena konačna otplata svih ugovorenih obaveza za nabavku automatske opreme (parkomata) na javnim parkinzima.

Na Javni parking JP-17, iza zgrade općine, postavljena je ulazno-izlazna, poluautomatska oprema za naplatu parkinga, koju je nabavilo naše preduzeće.

Na preostalim javnim parkinzima u gradskoj zoni postavljeno je ukupno 24,0 aparata za naplatu parking, čiju je nabavku izvršila Općina Živinice, a čije otplaćivanje je izvršilo JP«Horizontala-Živinice» d.o.o. Živinice, kao dio ukupne investicije za automatsku opremu na javnim parkinzima.

Automatska oprema na Javnom parking JP-17, iza zgrade općine, takođe je jednim malim dijelom otplaćena u 2016.godini, a čija se konačna otplata, takođe očekuje u narednoj godini.

Na većini javnih i rezervisanih parkinga u gradu postavljena je vertikalna i horizontalna signalizacija, koja se redovno pregleda i obnavlja, kao dio aktivnosti početkom godine, a preostali dio će biti uređen tokom naredne godine.

U narednom periodu, u saradnji sa Općinom Živinice, planiramo uskladiti razvoj grada i potrebu za parking, te nastaviti uređivati nove javne površine predviđene za javne parking prostore, jer u gradu, posebno u vrijeme praznika, primjeti se nedostatak parking mjesta.

Javni i rezervisani parking prostori su izdavani prema zahtjevima korisnika, a odobreni su prema namjeni:

- Javni parkinzi izdati preduzećima i institucijama na 5,0 lokacija na oko 1.600,00m<sup>2</sup>.
- Rezervisani parking prostori uz stambeno – poslovne objekte oko 120,00 parking mjesta
- Naplata, svakodnevna, parkinga na javnim parkiralištima na 1,0 Jp-u je putem naplatne rampe, a na 15,0 lokacija putem postavljenih 24,0 aparata za naplatu.

Ugradnjom automatske opreme za naplatu na javnim parkiralištima, evidentan je stalni porast prihoda od ove djelatnosti, a stvoreni su i uslovi da prihodi sa pojedinih parkirališta budu u stalnom porastu, a znatan porast ukupnih prihoda od naplate parking utiče prestanak sa radom jednog od većih javnih parking kod Islamskog centra na južnom početku gradskog bulevara.

**Gradsko groblje Živinice** je jedan od objekata koji dat na upravljanje JP «Horizontala-Živinice» d.o.o.Živinice .

U prethodnom periodu, od kako njime upravlja ovo preduzeće, učinilo se puno na uređenju istog i ono je već dovedeno na zavidan nivo.

U 2016.godini služba za pogrebnu djelatnost na gradskom groblju pružala je svu neophodnu uslugu stanovništvu, na zadovoljavajući način, koju pružaju objekti ove vrste.

U periodu april-septembar u kontinuitetu vršeno je uređenje travnatih površina u okviru gradskog groblja, a sve u cilju da bi estetski ovaj objekat izgledao primjerno i na taj način ga činili jednim od najuređenijim objekata ove vrste.

Pored redovnih radova na uređenju i održavanju gradskog groblja posebno je važno istaknuti da je u 2016. godini, prema mogućnostima, nastavljeno sa prikupljanjem i odvođenjem površinskih voda, putem sekundarne drenažne mreže, te je uređeno i pušteno u funkciju novih oko 200,0 metara drenažnih kanala, zatvorenog tipa za prikupljanje i odvođenja površinskih i otpadnih voda iz prostora gradskog groblja.

Poslije sprovedene procedura javne nabavke i sklapanja ugovora izvršeno je ucjevljenje primarnih otvorenih drenažnih vodova u krugu gradskog groblja, njihovo zatvaranje, spajanje sekundarne drenažne mreže i odvod otpadnih i površinskih voda izvan kruga gradskog groblja, prema gradskoj kanalizacionoj mreži.

Prema projekciji, na dijelovima gdje su nekada bili otvoreni drenažni kanali dužine oko 300,0metara, koji su sada ucjevljeni, postavljene se i uređenje u novoj parcelizaciji staze za pristup svim dijelovima gradskog groblja. Vrijednost ove investicije je oko 50.000,0KM u projektu koji podrazumjeva parcelizaciju, izradu i realizaciju projekta podzemnog prikupljanja površinskih i podzemnih voda, a od čega je polovina realizovana u 2016.godini.

Takođe, u narednom nastaviti će se i dalje, još kvalitetnije, pružati usluge građanima i usmjeriti se na još bolje redovno održavanje i uređenje cjeline Gradskog groblja Živinice, a istovremeno obezbijediti stalno povećavati prihode sa gradskog groblja, posebno putem naknade za održavanje.



**Sedmična pijaca “Ciljuge”** ima značajno mjesto u poslovanju ovog preduzeća.

Stalnim angažmanom naših uposlenika uspjeli smo održati kontinuitet u radu i porastu prihoda i u 2016.godini, a što ćemo i dalje nastojati nastaviti.

U 2016.godini, poslije sprovedene procedura javne nabavke i sklapanja ugovora, realizovan je projekat proširenja parkinga i pijačnog prostora, nasipom i uređenjem novih 5.000,00m<sup>2</sup>, a vrijednost projekta je oko 40.000,0KM.

Posebna pažnja je usmjerena na dodatnom uređenju pijačnog prostora, urađeni su elaborate i projekti za dodatno uređenje pijace, a obezbjeđenje finansijskih sredstava za realizaciju istih očekujemo u narednom periodu iz vlastitih prihoda i od viših institucija vlasti, a s ciljem obezbjeđenja novog pijačnog prostora i stvaranje boljih uslova za rad pijace na postojećem prostoru.

Djelatnost **Upravitelja zajedničkih dijelova i uređaja zgrada** u 2016.godini obavljali smo u istom kapacitetu kao i prethodne godine.

Po prilivu sredstava uplaćenih za zajedničko održavanje zadržavali smo dio od 15,0%, koji po zakonu pripada upravitelju za učinjenu uslugu, a prostali dio u saradnji sa Odborom etažnih vlasnika, po određenim prioritetima, utrošiti za obnovu i uređenje dotrajalih dijelova stambeno-poslovnih objekata.

Naše preduzeće kao upravitelj ima ugovor sa 12,0 stambeno-poslovnih objekata u sardnji sa kojima je i vršena održavanje i uređenje zajedničkih dijelova objekata, a na osnovu odluka vlasnika SPO i tamo gdje je to najpotrebnije, a sve po prilivu sredstava od uplate naknade za zajedničko održavanje.

Ostale poslove ovog preduzeća u 2016. godini obavljali smo redovno i na zadovoljstvo korisnika naših usluga.

**IZVJEŠTAJ O FINANSIJSKOM POSLOVANJU**  
**JP "Horizontala-Živinice" d.o.o. za period 01.01.-31.12.2016.godine**

**1. ZAPOSLENI**

<b>REDNI BROJ</b>	<b>O P I S</b>	<b>2015.</b>	<b>2016.</b>	<b>INDEX 4/3</b>
<b>1</b>	<b>2</b>	<b>3</b>	<b>4</b>	<b>5</b>
<b>1.</b>	<b>Broj uposlenika po kvalifikacionoj strukturi:</b>			
	<b>-VSS</b>	<b>4</b>	<b>5</b>	<b>125</b>
	<b>-VŠS</b>	<b>0</b>	<b>0</b>	<b>-</b>
	<b>-SSS</b>	<b>12</b>	<b>15</b>	<b>125</b>
	<b>-KV</b>	<b>2</b>	<b>2</b>	<b>100</b>
	<b>-NK</b>	<b>0</b>	<b>1</b>	<b>-</b>
	<b>U K U P N O :</b>	<b>18</b>	<b>23</b>	<b>128</b>

**2. IMOVINA**

<b>REDNI BROJ</b>	<b>O P I S</b>	<b>2015.</b>	<b>2016.</b>	<b>INDEX 4/3</b>
<b>1</b>	<b>2</b>	<b>3</b>	<b>4</b>	<b>5</b>
<b>2.1.</b>	<b>Vrijednost stalnih sredstava (2.1.1+2.1.2.+2.1.3)</b>	<b>958.718</b>	<b>891.060</b>	<b>92,90</b>
<b>2.1.1.</b>	<b>Nematerijalna stalna sredstva:</b>	<b>463.873</b>	<b>457.482</b>	<b>98,60</b>
	-Ulaganje u gradsko groblje	412.074	408.230	-
	-Ulaganje u stočnu pijacu	51.028	49.252	-
	-Softver	771	-	-
<b>2.1.2.</b>	<b>-Materijalna stalna sredstva</b>	<b>494.845</b>	<b>433.578</b>	<b>87,60</b>
	Zemljište	88.000	88.000	-
	Građevinski objekat	124.698	121.560	-
	Oprema	282.147	224.018	-
<b>2.1.3.</b>	Ostala stalna sredstva	-	-	-

<b>2.2.</b>	<b>Vrijednost tekućih sredstava</b>	<b>990.689</b>	<b>839.534</b>	<b>84,70</b>
	Zalihe	2.788	2.354	84,40
	Potraživanja od kupaca	671.858	492.131	73,20
	Potraživanja iz specifičnih poslova	53.367	61.789	115,70
	Potraž.za zatezne kamate po sudskim sporovima	199.715	206.401	103,30
	Ostala potraživanja	59.065	68.893	116,60
	Gotovina	3.896	7.966	204,40

**3. OBAVEZE**

Redni broj	OPIS	2015.	2016.	INDEX 4/3
1	2	3	4	5
3.1.	<b>Dugoročne obaveze</b>	<b>251.254</b>	<b>703.812</b>	<b>280,10</b>
	Odloženi prihodi od općine	169.072	132.533	78,40
	Obaveze iz specifičnih poslova	63.233	70.679	111,70
	Dugoročni kredit kod Intesa SanPaolo Banka	-	481.651	-
	Rezerv. za potraž.od DD Tuzlaputevi	18.949	18.949	100
3.2.	<b>Tekuće obaveze</b>	<b>1.262.470</b>	<b>581.879</b>	<b>46,00</b>
	-Finansijske obaveze prema općini (parkomati)	50.437	-	-
	-Dobavljači	278.891	274.749	98,50
	-Neto-plaće i naknade	125.944	41.041	32,60
	-Obaveze za poreze i doprinose u vezi plaća	209.390	20.388	9,70
	-Obaveze po Ugovoru o djelu	43.832	29.671	67,70
	-Ostali porezi (porez na dobit)	150.306	20.840	13,90
	-Zatezne kamate	310.993	-	-
	-Ostale obaveze	80.018	171.836	214,70
	PDV	12.659	23.354	184,50

#### 4. PRIHODI

Struktura PRIHODA ostvarenih u toku 2016.godine prikazana je u slijedećoj tabeli:

Redni broj	OPIS	VRIJEDNOST		Index 4/3
		2015.	2016.	
1	2	3	4	5
4.	<b>Prihodi-UKUPNO (4.1. + 4.2.+ 4.3.)</b>	<b>1.043.301</b>	<b>1.370.654</b>	<b>131,30</b>
4.1.	<b>Prihodi od osnovne djelatnosti:</b>	<b>474.827</b>	<b>453.142</b>	<b>95,40</b>
	-Centralno grijanje	121.043	122.272	101,00
	-Javne površine-rez.park., rekl.pan.	41.842	32.002	76,50
	-Parkinzi	149.837	149.404	99,70
	-Pijaca	74.324	77.055	103,70
	-Prihodi sa g.groblja-mezarja	63.803	64.752	101,50
	-Prihodi od zajedn.održavanja	3.930	3.574	90,90
	-Prihodi od Općine-30% od javnih površina	15.167	-	-
4.2.	<b>Prihodi od ostalih djelatnosti</b>	<b>4.881</b>	<b>4.083</b>	<b>83,60</b>
	<b>Prihodi iz budžetskih sredstava:</b>	<b>159.166</b>	<b>242.439</b>	<b>152,30</b>
	-Prihodi od donacija Općine (oprihodovani odloženi .prihodi)	22.779	36.539	160,40
4.3.	Podrška Općine Živinice- Odluka o izvršenju budžeta za 2014.-javne površine	136.387	205.900	151,00
	<b>Ostali prihodi:</b>	<b>409.308</b>	<b>675.073</b>	<b>164,90</b>
	Ostali finansijski prihodi	199.283	205.120	102,90
	Kamate	196.875	8.152	4,10
	Naplaćena otpisana potraživanja	2.683	-	-
	Prihodi od otpisanih obaveza-otpisane zatezne kamate po Rješ.Porez. uprave	8.768	460.196	-
Ostali razni prihodi	1.699	1.605	94,50	

## 5. RASHODI

U sljedećoj tabeli prikazali smo strukturu rashoda nastalih u toku 2016.godine:

Redni broj	O P I S	V R I J E D N O S T		Index 4/3
		2015.	2016.	
1	2	3	4	5
	<b>Rashodi-UKUPNO (5.1. + 5.2.)</b>	<b>1.033.993</b>	<b>1.336.733</b>	<b>129,30</b>
5.1.	Troškovi zaposlenih:	393.466	457.321	116,20
	-Neto- plaće i naknade	204.712	233.838	114,20
	-Porezi i doprinosi za plaće	123.401	140.573	113,90
	-Topli obrok,prevoz, regres,otpremnine i sl.	65.223	82.910	127,10
	-Troškovi službenih putovanja	130	-	-
	<b>Ostali rashodi:</b>	<b>640.527</b>	<b>879.412</b>	<b>137,20</b>
5.2.	-Troškovi sirovina i materijala	9.681	8.730	90,20
	-Troškovi energije (ugalj,el.energija je ,gorivo)	80.213	82.353	102,60
	-Troškovi ugovora o djelu	57.345	17.966	31,30
	-Naknade Nadzornom odboru	3.710	4.824	130,00
	-Naknade Odbora za reviziju	557	7.606	1365,50
	-Troškovi po osnovu dodat. utvrđenih obaveza za poreze i doprinose	33.026	-	-
	-Transportne usluge	7.730	2.360	30,50
	-Troškovi održavanja i uređenja javnih površina	12.999	75.346	579,60
	-Usluge održavanja	3.884	4.871	125,40
	-Amortizacija	50.197	73.320	146,00
	-PTT troškovi	9.072	11.785	129,90
	-Ostali razni troškovi	20.290	29.912	147,40
	-Kamate na poreze i doprinose utvrđene po Rješenj.Porezne uprave	32.193	176.216	547,40
	-Kamate po presudi u korist JKP“Komunalno“	-	27.754	-
	-Rashod po osnovu izgubljenih sudskih sporova-u korist JKP“Komunalno“ d.d.	-	89.588	-
	-Finansijski rashodi-Općina za j.p.	199.283	204.976	102,80
	-Ostali finansijski rashodi-taxe i drugi sudski troškovi, bankarske i ostale kamate, troškovi obrade kredita i troškovi prinudne naplate i sl.	14.198	29.064	204,70
	-Rahodi u korist Općine-za nabavku parkomata	18.574	-	-
-Rashodi-30% prih. od park.Općini	9.527	-	-	
-Otpis i ispravka potraživanja	76.444	32.741	42,80	
-Naknadno utvrđeni rashodi iz ranijih godina	1.604	-	-	

## 6. REZULTAT POSLOVANJA:

Redni br.	OPIS	2015.	2016.	INDEX
1.	2.	3.	4.	5.
	<b>POSLOVNI REZULTAT :</b>	(+) 6.224	(+) 9.220	

**U vezi pokazatelja navedenih u tabelama važno je istaći slijedeće:**

- 1) U tabeli 1. navedena je struktura i broj zaposlenih u 2016. u odnosu na 2015.godinu. Možemo istaći da se 01.01.2016.godine, u JP“Horizontala-Živinice“d.o.o. Živinice,broj zaposlenih povećavao i mijenjao po mjesecima, ali da prijema u stalni radni odnos nije bilo. To znači da je pored 17 radnika u radnom odnosu na neodređeno vrijeme ,preduzeće na određeno radno vrijeme u toku sezone grijanja (6 mjeseci) angažovalo 4 radnika-ložača u kotlovnica. Takođe smo određeno radno vrijeme angažovali 4-5 radnika za rad na parkinzima na poslovima kontrole, naplate na rampi i slično,a od novembra mjeseca na poslovima održavanja higijene u upravnoj zgradi i zgradama kolektivnog stanovanja gdje je naše preduzeće upravitelj angažovali smo 2 radnice.  
Prema tome, na bazi sati rada u 2016.godini naše preduzeće je zapošljavalo 23 radnika.

- 2) U tabeli 2. koja prikazuje imovinu preduzeća, u dijelu koji se odnosi na vrijednost stalnih sredstava primjetno je da nije bilo izmjena jer nije bilo značajnijih nabavki.

- U strukturi potraživanja od kupaca najznačajnija su potraživanja od kupaca-korisnika javnih površina, a najveći dužnik je JKP „Komunalno“ d.d. Živinice sa kojim smo 08.04.2016.godine sklopili Sporazum broj:OPU-IP: 185/2016 čime smo regulisali naplatu našeg potraživanja (glavni dug , zatezne kamate i troškovi postupka) koje datira još od 01.06.2006.godine i koje je bilo predmet višegodišnjih sudskih sporova.Pored toga, u okviru Sporazuma regulisali smo i otplatu naše obaveze prema JKP“Komunalno“d.d. Živinice u iznosu od 80.413,04 KM (glavni dug , zatezne kamate i troškovi postupka) a po Presudi Općinskog suda u Tuzli.  
Time smo Sporazumom definisali kao konačnu naplatu našeg potraživanja u iznosu od 416.622,11 KM i to na period od 60 mjeseci .Ističemo da smo potpisivanjem Sporazuma spriječili izvjesnu i dugu blokadu računa JKP“Komunalno „d.d. Živinice i eventualnu blokadu računa JP“Horizontala-Živinice“d.o.o. Živinice.Realizacija Sporazuma je počela od 25.05.2016.godine i uredna je do danas.

### 3) Što se tiče obaveza možemo istaći:

-U 2016.godini izmirili smo obaveze prema Općini Živinice po Sporazumu broj: 01/2-05-89-1390/14 od 16.10.2014.godine a vezano za nabavku parkomata pri čemu treba istaći da su u 2016.godini izdvojena sredstva u iznosu od 50.437,61 KM.

Otplata parkomata i naplata potraživanja od JKP“Komunalno“d.d. po Sporazumu predstavljala je izuzetno značajnu finansijsku potporu za postizanje finansijske stabilnosti preduzeća, a bila su i osnov da Uprava preduzeća uz prethodno dobijenu saglasnost Nadzornog odbora i Skupštine donese Odluku za kreditno zadužanje.

U vezi s tim, smo se obratili Općinskom načelniku i Općinskom vijeću Zahtjevom za davanje garancije za kreditno zaduženje, te smo nakon više kontakata sa bankama, Općinskim načelnikom i Službom za budžet i finansije kreirali Odluku o davanju saglasnosti za kreditno zaduženje JP“Horizontala-Živinice“d.o.o. Živinice i ponudili je na razmatranje i usvajanje Općinskom vijeću. Odluka je usvojena na sjednici Općinskog vijeća održanoj 27.04.2016.godine i objavljena u Službenom glasniku općine Živinice broj:10/16.

Odluka o davanju saglasnosti za kreditno zaduženje JP“Horizontala-Živinice“d.o.o. Živinice, broj: 10-05-2893-5/2016, postignuti Sporazum sa JKP“Komunalno“d.d. Živinice, finansijski izvještaji za 2015.godinu, te polugodišnji finansijski izvještaji za 2016.godinu, uz ostalu traženu dokumentaciju i pojašnjenja finansijske pozicije preduzeća, predstavljali su valjan osnov da nam INTESA SANPAOLO BANKA BiH da povjerenje, te smo sa istom sklopili Ugovor o kreditu broj: 214970/16. Ukupno zaduženje po kreditu iznosi 572.029,20 KM, od čega je glavnica 496.000,00 KM. Rok otplate kredita je 60 mjeseci, a rata kredita je 9.533,82 KM.

Svrha kredita je bila izmirenje svih poreskih obaveza kako onih koje su u postupku prinudne naplate tako i ostalih, kao i izmirenje obaveza prema uposlenicima po osnovu neisplaćenih neto-plaća, a sve sa ciljem sticanja prava na olakšicu vezanu za otpis zateznih kamata koja je predviđena Zakonom o izmjenama i dopunama Zakona o visini stope zatezne kamate na javne prihode (Sl. Novine FBiH broj:86/15).

Nakon ispunjavanja svih uslova koji su predviđeni Ugovorom o kreditu, kredit je realizovan tj. dana 31.10.2016.godine uplaćena su sredstva u iznosu od 496.000,00 KM na naš transakcijski račun. Ukupno doznačena sredstva utrošena su namjenski za uplatu obaveza prema Poreznoj upravi FBiH (poreza, doprinosa i dr.) u iznosu od 371.730,67 KM i za uplatu 7 zaostalih neto-plaća uposlenicima u iznosu od 124.269,33 KM. Do kraja 2016.godine otplaćene su dvije dospjele rate kredita.

**Ističemo da smo kreditnim zaduženjem postigli višestruke efekte a najznačajniji su :**

- prvi puta od 2000.-te godine završili smo poslovnu godinu bez poreskih obaveza,
- iskoristili smo olakšicu predviđenu Zakonom i dobili Rješenje Porezne uprave FBiH broj:13-3/8-15-5-31180 o otpisu zateznih kamata na iznos 460.196,01 KM
- platili doprinos za penzijsko-invalidsko osiguranje za 2004, 2005, 2007, i 2008.godinu i time uvezali penzioni staž uposlenicima
- prvi puta od 2000.-te godine dobili smo Uvjerenje porezne uprave da nemamo neizmirenih poreskih obaveza čime smo postali konkurentni i respektabilni na tržištu a možemo i aplicirati na razne projekte za dobijanje poticaja i sl.

- U 2016 .godini naše preduzeće je isplatilo 18 neto- plaća, od toga 11 iz vlastitih i 7 iz kreditnih sredstava a to su 2 plaće iz 2013.godine ( za XI i XII/2013) godine , 6 plaća iz 2015.godine (VII-XII/2016) i 10 plaća za 2016.godinu (I-X/2016).
  - Obaveze za PDV smo uredno izmirivali, kao i prethodnih godina, i ukupno smo uplatili po ovom osnovu u 2016.godini 117.723,00 KM.
- 4) Iz tabelarnog prikaza prihoda za 2016.godine vidimo da su ukupni prihodi u odnosu na 2015.godinu veći i to za 31,30 %.
- Što se tiče prihoda od djelatnosti oni su uglavnom ostali na istom nivou kao i prethodne godine . Prihodi od naših redovnih djelatnosti –centralno grijanje ,pijace,Gradsko groblje-mezarje bilježe blagi ali stalni porast,dok su prihodi od parkinga ostali na istom nivou kao i u 2015.godini iz razloga što je bilo tehničkih problema u funkcionisanju opreme, a i građevinskih radova na ulicama u kojima su postavljeni parkomati. Pored toga, krajem 2015.godine ukinut je najprometniji parking kad Islamskog centra.
- Takođe je evidentan porast prihoda po osnovu Podrška Općine Živinice- i to za 51 %.Razlog tome je što su se po Odluci o izvršenju budžeta Općine Živinice za 2016.godinu, svi prihodi od javnih površina od 01.01.2016.-31.12.2016.godine transferisali u korist našeg preduzeća, koje je i ovlašteno da za potrebe Općine upravlja javnim površinama.
- 5) Iz tabelarnog prikaza rashoda vidi se da su ukupni rashodi u 2016.godini veći za 29,30 % u odnosu na 2015.godinu.
- 6) Prema tome, u periodu od 01.01.-31.12.2016.godine preduzeće je ostvarilo ukupne prihode u iznosu od **1.370.654,00KM**,a ukupne rashode u iznosu od **1.336.733,00 KM**. Dakle,u izvještajnom periodu ostvaren je višak prihoda nad rashodima odnosno dobit u iznosu od **33.921,00 KM**.
- Nakon obračuna poreza na dobit za 2016.godinu u iznosu od 24.701,00 KM možemo zaključiti da je JP“Horizontala-živinice“d.o.o. Živinice za period od 01.01.2016.-31.12.2016.godine ostvarilo neto dobit u iznosu od 9.220,00 KM.

**V.D. DIREKTOR:**

---

Kahro Aljić